



Isalathiso: 20210621-3879  
Inombolo yefayili: 12/2/13/6  
Imibuzo: V Madasi

INGcaciso eMfutshane yeCandelo lokuNika iNkxaso yeziBonelelo kumaZiko: 0005/2021

Iya: KumaSekela Balawuli-Jikelele, kuBalawuli abaziiNtloko, kuBalawuli, kwiiNtloko zoQuquzelelo neNgcebiso ngezeKharityhulam, kuBaphathi beeSekethe, kumaSekela eeNgcali zeMfundo eziziiNtloko, kuBacebisi ngeZifundo nakwiiNqununu zezikolo zikarhulumente eziqhelekileyo nezezikolo zemfundo eneemfundo ezizodwa ezichaphazelekayo

**Isihloko: Ukusiwa kweencwadi zomsebenzi zeSebe iDBE zamaBakala R ukuya ku-9 ukulungiselela unyaka wekhalenda yesikolo ka-2022**

1. Njengoko kuchaziweyo kwileta esuka kwiSebe leMfundo esiSiseko likazwelonke (iSebe iDBE), iSebe iDBE liya kuprinta yaye lihambise iincwadi zomsebenzi kuzo zonke izikolo zikarhulumente (eziqhelekileyo nezemfundo eneemfundo ezizodwa) eNtshona Koloni ukulungiselela unyaka wekhalenda yesikolo ka-2022.
2. Ezi ncwadi zilandelayo ziya kusiwa ngqo ezikolweni:
  - Iincwadi zomsebenzi zeBakala R
  - EzamaBakala 1 ukuya ku-6 zeeLwimi zeeNkobe
  - EzamaBakala 1 ukuya ku-3 zeMathematika (kulwimi lokufunda nokufundisa) (LoLT)
  - EzamaBakala 4 ukuya ku-9 zeMathematika (kwisiNgesi nakwiAfrikansi)
  - EzamaBakala 1 ukuya ku-6 zesiNgesi (uLwimi lokuQala oloNgezelelweyo)
  - EzamaBakala 1 ukuya ku-3 zeZakhono zoBomi (kulwimi lokufunda nokufundisa iLoLT).
3. IVolyum 1 ka-2022 (yeKota 1 no-2) neyeBakala R ziya kusiwa kuzo zonke izikolo ungadlulanga owe-30 Septemba 2021. IVolyum 2 ka-2022 (yeKota 3 no-4) iya kusiwa kuzo zonke izikolo ungadlulanga owe-30 Novemba 2021.
4. Ebutsheni balo nyaka, kwakucelwe iSebe leMfundo leNtshona Koloni (iSebe iWCED) ukuba linike iSebe iDBE amanani abafundi aqikelelweyo eencwadi zomsebenzi eziza kuprintwa zisiwe ukulungiselela u-2022. Amanani abafundi anikwa iSebe iDBE

asuselwa kwingcaciso ekwisistim i-CEMIS echaphazelekayo eyayifumaneka ngelo xesha.

5. Inani leencwadi zomsebenzi eziya kusiwa kwisikolo ngasinye ziyangqinelana namanani abafundi anikwa iSebe iDBE liSebe iWCED. Inani leencwadi zomsebenzi ngebakala ngalinye izikolo ezinokulindela liziswe liSebe iDBE linokujongwa kwikhasi lewebhu lokunika inkxaso yezixhobo zokufunda nokufundisa (i-LTSM) (iincwadi zokufunda ze-CAPS) kwiziko lewebhu leSebe iWCED (<https://wcedonline.westerncape.gov.za/learning-and-teaching-support-material-ltsm>).
6. Kuqhotyoshelwe apha njengesihlomelo A uxwebhu olusisikhokelo oluchaza inkqubo elandelwayo phambi nangethuba lokusiwa kweencwadi zomsebenzi.
7. Zakuba zizisiwe iincwadi zomsebenzi ngumboneleli-nkonzo weSebe iDBE, kulindeleke ukuba izikolo zithelekise inani leencwadi zomsebenzi ezizisiweyo namanani anikwe kweli ziko lewebhu likhankanywe apha ngentla. Naziphi iincwadi ezisiweyo zeelwimi ezingachanekanga okanye ezishotayo mazibhalwe kwiphepha elibubungqina bokuziswa kwazo (*proof of delivery*) (POD)) yaye oko makwaziswe umboneleli-nkonzo obezise iincwadi zomsebenzi egameni leSebe iDBE.
8. ISebe iDBE lifaka amaphepha abubungqina bokuziswa kweencwadi zomsebenzi ii-POD esikolo ngasinye kweli ziko lewebhu: <http://www.schoolmaster.org.za> yaye kukhuthazwa izithili zingene kweli ziko lewebhu ukungqinisisa iinkcukacha ezingokuziswa kweencwadi. Inombolo yesistim i-EMIS yesikolo inokusetyenziselwa ukuloga kwiziko lewebhu.
9. Ngo-Oktobha 2021, zonke izikolo ekusiwe kuzo iincwadi zomsebenzi ziya kucelwa ukuba zingene kwisistim i-CEMIS ukufaka amanani abafundi aqikelelweyo ango-2022 nenani ncam leencwadi zomsebenzi ngesifundo ngasinye nangebakala ngalinye ezifunyenwe kwiSebe iDBE. Ngethuba lokwenziwa kwale nkqubo, iincwadi zomsebenzi ezishotayo okanye ezingaphezu kwemfuneko ziya kuqatshelwa kuze kuxelelwe izithili malunga noko. Le ngxelo iya kufumaneka ku-*EduInfoSearch*.
10. Amagosa ezithili achaphazelekayo aya kujongana noxanduva lokuququzelela ukusiwa kweencwadi zomsebenzi eziqatshelwe njengezishotayo.
11. Kucelwa wazise okukule ngcaciso imfutshane bonke abasebenzi abachaphazelekayo ukuze bakuthathele ingqalelo.

**ISAYINWE:** NGU-L McGLENATENDOLF

**USEKELA MLAWULI-JIKELELE OBAMBELEYO WOCWANGCISO LWEMFUNDO**

**UMHLA:** 2021-07-21